

Astrid Britten directora di BNA

Ta interesante pa mira e tema di sostenibilidad y durabilidad den curriculum

ORANJESTAD(AAN): Astrid Britten ta directora di Biblioteca Nacional, cu ta organizador di Green Education na Aruba.

Den un entrevista cune, el a splica cu despues di e Green Education 2 (na 2012), nan a cuminsa mersora cu e plannan pa futuro. Asina nan a bin cu e plan pa Green Education Symposium, cu ta dirigi riba schoolnan secundario pa logra cu nan tambe ta duna nan aporte na e vision cu Aruba a pone riba tereno berde.

E motibo di esaki, sra Britten a splica ta cu, si kier cuminsa cu conscientisacion mester cuminsa cu hubentud pa nan ta consciente di tur loke futuro por trece. E promé symposium tabata na 2012 y ya caba na april ultimo a tuma luga e di dos edicion symposium riba sostenibilidad.

Tabata e aña aki cu a invita drs. Geert Kooistra pa forma parti di e programa di Green Education Sym-

posium di BNA. For di momento di e Green Conference a combersa cu Kooistra ampliamente riba e tema y e idea di BNA pa conscientisa e hobennan riba e tereno aki. Kooistra a contagia cu e entusiasmo, segun Britten, pasobra no solamente el a bin pa duna e lectura, pero tambe a duna workshop na BNA pa tur interesado, el a bin cu e idea pa skirbi e buki.

El a haci un version na Hulandes y un na Ingles. Esaki a resulta uno hopi interesante pa e di cuatro Green Education Symposium, cu a crea interes cerca e paisnan den region pa cu e maneho di sostenibilidad. E directora di BNA a splica cu ta studiando con por integra e buki di Kooistra den enseñansa. Esnan cu ta interesa, por bay riba e website



pa adkiri e buki.

Mayoria buki riba e tereno aki tin su tinte científico pero e buki aki ta skirbi pa un publico mas amplio, y ta

mas simplifica. E ideanan den e buki ta bini di diferente schoolnan secundario cu a participa den e symposium. BNA lo trata di hiba

combersacion cu Departamento di Enseñansa pa mira si tin interes pa hinca e tema y e buki aki den curriculum di schoolnan secundario.

Telefonnan di
DIARIO 582-6747
Fax 582-8551